

北洋官報

目錄

宮門抄
交旨
奏議◎都察院代奏主事胡柏年條陳立憲利弊呈
公牘◎民政部咨一件△農工商部咨一件△津海關道
詳一件△豫撫札一件
文告五則△電報五則△新聞十四則
彙編◎法部奏定各屬員缺補用章程△英國賽會章程
圖畫◎山東濟南府黑虎泉圖

本報今日加印照片一頁

本局第一百十七期法政學報已出

宮門抄

十月初二日 農工商部 郵傳部 正藍旗值日 澤公等由 西陵回京請 安 察哈爾都統溥

良請 訓 召見軍機 溥良 澤公 洵貝勒等郵傳部各遞封奏一件

交旨

十月初二日 軍機大臣欽奉

諭旨貝勒載洵等奏 崇陵現修工程情形一摺知道了欽此

諭旨郵傳部奏請賞給洋員寶星一摺著照所請外務部知道又奏吉長鐵路借款如數收訖從速興工一片知道

了又奏吉長鐵路遴員派充總辦會辦一片著依議欽此

奏議錄要

都察院奏代遞王事胡柏年條陳憲政利弊呈

為縷陳憲政利弊宜重根本而養程度並暫辭議員恭呈大院察閱懇乞代 奏事竊案光緒三十一年 孝

欽顯皇后 德宗景皇帝詔派五大臣出洋考察政治次年歸國奏請改訂憲法三十四年 上諭准王

大臣 奏定以九年籌備立憲天下臣民額手相慶無不頌 先太后 先帝變法之明決而唐虞三代

之治可復見於今日即 國家億萬年立憲之福蓋基於此矣柏年因是調查外洋各國之政策合以古聖王之法

度以揆諸今日之形勢比較而研究之一得之私輒欲持獻特慮言之而當固可為涓埃之助設言之不當不且負

淆惑憲政之罪乎是以屢欲言而中止今年選舉議員柏年謬列其間雖無贊助憲政之才而已若有代表輿情之

責儻仍緘默則上無以副 先太后 先帝籌備立憲之盛德下無以對國民推舉代表之意萬一籌備

之中或有百密一疏之處致將來推行無效有礙憲政之成立則對上為不忠而對下為不仁柏年何敢出此且當

今之時民智未開議員之議論恐不足扼要而徵信於天下也不足徵信天下則不足為輿論之代表而議員不可

為矣何者國家之事凡興利除弊籌款立法皆必國民有此知識有此思想而議員始代為表之故能鑿眾望而事

皆有功今議員欲有論列而百姓無此知識無此思想或有此知識思想而又無此能力也則議論一出反對必多

得罪輿論而事終無濟將焉用此議員為也萬一輿論不孚釀成暴動誤國誤民議員之罪尙堪言乎此柏年所以

於被選之後深思熟籌不能不出於辭謝者也雖然柏年非畏其難貿然辭謝之已也憲政終有時成立議員終有

人承任柏年而辭謝誰則承任之者且憲政之速期成立議院之速期開辦此固天下志士所爭求而 朝廷所

嘉許者也乃當選之初柏年即為此辭職之言不亦乖時望而失立憲之意乎是以不揣冒昧於辭謝之時舉私心

竊計所謂致治之原理立憲之要素覺如是而憲政始可立議員始可為者推其條理陳其利弊妄言之罪自知不

免惟祈寬宥而察其愚忱焉夫五大臣之所考察皆各國數百年所締造之成績非當日創始立憲過渡時之規畫也各國立憲之先過渡之際皆必有由漸改革因其情勢養其程度以馴至立憲之秩序者也諸留學生所學之法政亦皆各國現時之法政於中國現在之情勢尙多扞格而不能即行者也以過渡之時襲已成之迹是猶醫者不問其人之體質如何感受之天時地氣如何而概投以古方欲其奏效也得乎夫中國今日之情勢論者咸謂民愚財困程度不足固也然持論或偏致流爲阻撓憲政之舉庸有濟乎觀之興辦學堂各處紳士多爭款而致訟門昧公益而圖私利今年選舉訴訟之事幾於各省府縣皆不免焉是吾國之紳士程度多不足也今年災荒北省多苦旱南省多苦水百姓流離慘不忍聞而地方官先事不知所以防緝臨時不知所以補救至一切新政皆有名無實或紛亂錯誤非徒無益而且有害是吾國之官府程度多不足也官府程度猶且如此相彼小民更何從而言程度哉國民程度不足必不能一躍而成立憲而必待數年之籌備者是誠天下之所公認無所諱飾者也雖然法之立也有法內之法有法外之法焉有法後之法有法前之法焉條教號令綱舉目張以範吾民之行爲以保國家之安甯人之所共見共知者是法內之法也考社會之習慣審人民之程度如何而法制始能施行如何而法制始能持久更如何而法制始能由單簡而漸臻繁複如何而法制始能由一部而貫通全體則法外之法也因國家之財力按百姓之程度編爲制度以期即日之推行而爲維持補苴之計者是法後之法也預構一承平之象而當國家財力人民程度皆不足爲之時宜如何養足國家之財力如何養成人民之程度以期將來實行其政策而達預構之目的者則法前之法也籌備者固法前之法也知有法前之法而不知有法外之法則徒爲形勢之籌備而無精神之籌備徒爲枝末之籌備而無根本之籌備恐所謂法前之法亦將有毫釐千里之失而不足以達其目的矣夫人民之知識與國家之財力誠行政之根本立國之精神國民之知識開則皆知所以謀生利之道而後國家之財力足國民之財力足則皆有樂於謀公益保國家之賞而後國民之程度高國民之程度舉高以之更治立憲猶反手也未有貧愚之民而能與之謀更始者民貧愚而與謀更始非徒無益抑且驚擾驚擾之害蓋有不堪設想者矣夫知識財力之程度議者皆知其不足於此而不求所以養足之法彼知識焉能自開財力焉能自長而程度焉能自高也乎然則籌備之本其亦明矣今竊見九年籌備之目第一年各省籌辦諮議局第二年舉行諮議局選舉是

下議院之基礎也。第二年頒布資政院章程，舉行該院選舉。第三年召集資政院議員，舉行開院。是上議院之基礎也。第一年頒布城鎮鄉地方自治章程。第二年籌辦並設立自治研究所。至第六年一律成立。第二年頒布廳州縣地方自治章程。至第七年一律成立。第一年頒布調查戶口章程。第二三四年調查覆查彙報之。第三年編訂戶籍法。第六年實行之。第二年籌辦廳州縣巡警。至第三年完備。第四年籌辦鄉鎮巡警。至第八年完備。是皆所以安民者也。第一年頒布清理財政章程。第三年調查各省歲出入總數。至第四年彙查全國歲出入確數。第四年編訂會計法。至第七年頒布。而第八年實行。第三年釐訂地方稅章程。至第四年頒布。第四年釐訂國家稅章程。至第五年頒布。第三年試辦各省預算決算。第六年試辦全國預算。第七年試辦全國決算。第九年確定預算決算。而制定來年之預算案。是皆所以理財者也。第一年編輯簡易識字課本。編輯國民必讀課本。第二年頒布。而即創設簡易識字學堂。至第七年人民識字義者須得百分之二。第八年識字義者須得五十分之一。第九年識字義者須得二十分之一。是皆所以教民者也。第一年修改新刑律。至第六年實行。第二年籌辦各省各級審判廳。至第三年成立。第四年籌辦廳州縣各級審判廳。至第六年成立。第六年籌辦鄉鎮初級審判廳。至第八年成立。是皆所以坊民者也。第二年釐訂京師官制。第三年釐訂各省官制。至第五年頒布。內外官制。而第七年試辦。第九年實行之。第二年編訂文官考試任用官俸等章程。至第三年頒布。而第四年實行之。是皆所以明官守而重牧民也。合之變通旗制編訂法典。宣布憲法。宣布皇室大典。其於上下之間。規模固已大具。籌備固已至周矣。雖然。竊有疑焉。唐虞之命敷五教。蓋在水土既平之時。三代之謀及庶人。蓋在學校大興之後。學校之教化未廣。黎民之知識未開。雖欲周諮徒形紛雜。是築室道謀也。誠所謂程度不足者也。故必先興學堂。廣施教育。俾愚民之知識無不開通。而後國家之詢謀無不僉同。今於二三年間。即立上下議院之基礎。而所以開百姓之知識。養國民之程度者。不過編簡易課本。辦簡易學堂而已。不過於七八九年期。識字義者由百分之一。至二十分之一。而已。先求議員後養程度。揆之秩序未敢云當。且第七八九年遞言之。皆一年之間。耳百分之一。與五十分之一。加倍之比例也。五十分之一。與二十分之一。則又不止加倍也。以一年之間。求加倍。與不止加倍之效。中外古今無此神速。即云能得速效。而於第七年之前。必須地方自治。俱能辦妥。而後簡易學堂可以多興。試問百姓之知識未開。此地方自治之經費孰肯慨然捐出。

自治之規則孰肯帖然服從既不肯帖然捐出經費又不肯帖然服從規則則所謂自治者亦徒粉飾耳願安所得許多之簡易學堂以求驟增解識字義之人也哉夫中國廢科舉興學堂亦已數年矣而教育尙未能普及讀書識字之人且若較昔日而加少者何也公立私立之學堂少而鄉間又不明學堂之益多不遺其子弟就學也此其原因果由於地方困窮辦學與就學之人多苦於財力不及之故耶而亦由於學堂之中仍存科舉之名目畢業之後仍獎以舉貢生員之出身致使鄉間窮民皆指學堂爲入仕之階梯而非教人以謀生之知識吾儕小人但得謀生足矣奚能希冀仕宦哉且不但此也愚民拘守舊習一切新政策新事業之有利於民彼何從而自知故地稍僻陋卽多視學堂爲洋人之教堂而相與非笑之苟略施強迫卽又羣起抵抗者其勢則然耳夫爲政之道三代不易民而治必不能舍舊日愚魯之百姓盡棄置而淘汰之而別造一班新國民也今日時勢內困外迫又必不能棄年長之父老而專造就其子弟曠日持久徐俟其成材以保衛我國家也故竊以爲開通民智宜自其父老始而後收效速而其子弟亦易從也雖然開通其父老以救中國之急其父老已開通於一切公益之事明知宜舉而水旱災祲百物昂貴一身衣食且難自給焉所得盈餘以相奉也是誠可慮者也不知古人之爲政也教不先於養富不後於教也蓋先教以謀生之方而後教以孝弟忠信之道所謂教民稼穡教民佃漁者是也所謂制其田里教之樹畜導其妻子使養其老者是也故其一切法度於農工商賈山林川澤之制至纖至悉蓋養民者十之七八而治民坊民者十之二三然後衣食可足禮讓可興教化行而風俗美也外洋各國之政策得以秩然有序而勃然日興者亦其物力豐富得以爲所欲爲也其物力豐富期憲政之成立乎抑仍取之百姓乎雖地方自治專章之中亦曾有本城鎮鄉之農工商務一條然其略已甚究與古人之政法外洋之治理孰輕孰重適成反比例者也雖農工商部亦有分年舉辦之條件然或未得其要領或稍失之迂緩未能切實而收速效也是故欲圖強兵必先富國欲圖富國必先足民民固國之根本而生財之原動力也易曰天地之大德曰生聖人之大寶曰位何以守位曰人何以聚人曰財記曰有德此有人有人此有土有土此有財有財此有用又曰生財有大道生之者衆食之者寡爲之者疾用之者舒則財恒足矣夫一夫不耕或受之飢一女不織或受之寒工商不通功易事則農有餘粟女有餘布而不足以供其日用而成爲國家是以先王以九職任萬民一曰三農生九穀二曰園圃毓草木三曰虞衡作山澤之利四曰

數牧養蕃鳥獸五曰百工飭化八材六曰商賈阜通貨賄七曰嬖婦化治絲枲八曰臣妾聚斂疏材九曰閒民無常職轉移執事凡以爲百姓謀生養之具爲國家開財力之源也今欲足民仍不外於農工商三大綱加之意而已農者衣食之源凡事原料之所自出也東西各國莫不重之不徒中國自古爲重農之國然也而其人數又必較工商爲多故三者之中農爲尤重重農云者非徒興一二農務學堂以講求之也五土之物各有所宜必非一地之學堂所能詳究者也地理上互相關係之政策又非學堂教習之知識所能統籌者也且農夫多不識字全憑經驗教育未普及則農學士之言論彼皆不知也

(未完)

公牘錄要

民政部咨行各省增訂調查戶口章程內學童壯丁年歲文

爲咨行事疆理司案呈本部頒發調查戶口章程第二十條內載口數册造齊後應將册內年屆七歲之學童及年屆十六歲之壯丁另計總數附記總册之後等語尙未規定學童壯丁至若干歲爲止現擬暫將本章程第二十條增訂年屆七歲至十六歲者爲學童年屆十六歲至四十歲者爲壯丁以憑辦理俟將來續訂章程後再行頒布相應咨行貴將軍督撫都統查照飭遵辦理可也須至咨者

農工商部咨呈憲政編查館爪哇日惹中華商會選舉諮議局參議員文

附履歷

爲咨呈事案據爪哇日惹中華商會呈稱現福建廣東諮議局經已成立僑商參議員自應遵諭選舉卑會當即酌議選舉簡章核定名額以本埠人數比較選舉福建諮議局參議員六名廣東諮議局參議員二名於八月十七日發選舉票凡本埠華商合議員資格者皆得選舉及被舉權利八月二十日在本會所投票即晚開票人人皆以得與聞祖國政務爲榮甚爲踴躍公推卑會顧問員兼中華學堂校長楊紳景旒爲監察員當堂拆票計福建籍葉鴻材得二十六票鄭延藩得二十三票周廷管得二十三票李金泉得二十票李高養得十七票傅仰山得十四票廣東籍楊景旒得二十四票周幹才得二十三票以上八員皆身家清白品望素孚辦事熱心著有勞績舉充諮議局參議員尙爲合格理合取具該員履歷呈請察核並乞咨送立案等情前來相應抄錄各該參議員履歷咨呈貴館查照准予立案可也須至咨呈者

廣東諮議局參議員履歷 楊景旒年三十歲廣東廣州府香山縣民籍優行附貢生報捐通判銜充日惹商務總會顧問官兼國粹研究會會長中華學堂堂校長現舉充廣東諮議局參議員 周幹才年四十歲廣東廣州府南海縣民籍報捐州同銜商號南昌營業銅鐵雜貨疊充日惹商務總會議董秘書課長現舉充廣東諮議局參議員
福建諮議局參議員履歷 葉鴻材年二十九歲福建泉州府安溪縣民籍報捐藍翎中書科中書銜商號建美營業歐洲磁器麵粉茶葉穀米疊充日惹商務總會理事議董坐辦國粹研究會總理中華學堂堂董事現舉充福建諮議局參議員 鄭延藩年三十六歲福建泉州府同安縣民籍報捐支店長營業糖茶米豆油疊充日惹商務總會會員議董現舉充福建諮議局參議員 周廷管年三十歲福建泉州府同安縣民籍報捐同知銜建源號支店長營業糖油米豆輪船現舉充福建諮議局參議員 李金泉年三十八歲福建泉州府同安縣民籍報捐道銜商號協順營業糖油茶葉麵粉火柴前充日惹商務總會總理中華學堂堂董事現舉充福建諮議局參議員 李高養年三十六歲福建漳州府龍溪縣民籍軍功六品頂戴報捐中書科中書銜紹芳號支店長營業糖茶米豆疊充日惹商務總會會員理事國粹研究會幹事員中華學堂堂董事現舉充福建諮議局參議員 傅仰山年四十七歲福建泉州府安溪縣民籍報捐州同銜商號源興營業中國雜貨疊充日惹商務總會會員庶務課長現舉充福建諮議局參議員

津海關道詳遵飭函致副稅司曼德查覆高陽土布徵稅章程文並批

爲詳請轉咨事案奉 督理稅務大臣札開准 農工商部咨據天津商務總會稟稱高陽分會牒開竊高陽自擴充織紡改良土布廣開銷路稟請劃一納稅照新章每疋五丈按二分五納稅前蒙批行各在案高陽織紡初用木輪機僅出白批布一種現在暢行鐵輪機器能巧織新樣布品出有色土布斜紋土布運銷各處以便試行惟斜紋土布較白批布經緯稍異布質一律其尺寸係改良鐵輪連機十丈一疋而色土布用本地線批織成面寬二尺二寸長六丈一疋此等土貨初創行銷凡經過關卡應行照章納稅以重 國課然初行提倡尤當優加體恤以資鼓舞此項之色土布斜紋土布可否援照白批土布定案每疋五丈按二分五納稅此兩種土布每疋十丈六丈不等理合照數核算完納抑或另有定章請明定釐稅通飭示遵又有勸織各樣土棉手巾每捆十條約計價本銀三錢

上下應如何納稅之處呈請咨商 稅務大臣酌定通飭遵照等情查高陽分會提倡紡織所出各色土布斜紋土布土棉手巾各種誠於工業前途日有進步該商會所請援照前次白批土布定章納稅之處事關稅務抄錄原稟咨行貴大臣查照核辦並希見覆以憑轉飭該商遵照等因前來查此項土布并土棉手巾向章納稅若干相應札行津海關道查明申覆本處以憑核辦可也等因奉此當經職道函致鈔關署副稅司曼德查覆去後茲准覆稱查高陽機織寬二尺二寸長六丈之色土布一項曾經本關稟蒙總稅務司批示每疋徵稅銀四分其棉手巾一項前次報關時係照原報估價每打值銀四錢按值百抽二五徵稅其斜紋土布一項現尙未經報運本關未覩貨色未便懸擬稅章相應函覆即希查照酌核申覆等因函覆前來職道覆核無異理合具文詳請 憲台查核轉咨實爲公便

督憲端 批據詳已悉候咨 稅務大臣查照此繳

豫撫吳札飭提學司選送經科學生文

爲札飭事宜統元年八月十二日准 學部電開各省制撫台鑒前請選送經科學生已達冰案惟此項學生係造就通經致用之才非爲舉貢籌出路應請遴選經明行修且有根柢確無沾染嗜好者嚴加甄別並飭該舉人優拔貢等呈明平日研究何經按照所長命題試之分別取錄保送並將原卷資核以便覆加考驗務使空疏孤陋者不得濫竽充數額儻不敷任缺毋濫該生等何時到京請先電示以便定開學日期盼切學部眞印等因到本部院准此查此案前已札行查照辦理詳覆在案茲准前因合就札行札到該司即便查照迅速詳報以憑核辦切切毋延此札

文告錄要

郵傳部牌示○爲牌示事照得前由 民政部咨送測繪學堂畢業生三十名業經本部覆加考驗分別記名牌示在案茲取錄薛立忠等十一名分派本部及各路試用專司測繪事宜仰後開各生知悉限於十日內親到本部領取憑札尅日分赴本部及各路道差可也毋違切切特示 計開 本部二名 薛立忠 曹汝霖 京奉鐵路二名 滕雪龍 張協衆 京漢鐵路一名 廣山 廣九鐵路一名 伊錦阿 吉長鐵路三名 任元貴

蕭景源 富琦 張綏鐵路二名 張東寅 李寶成

督憲批示錄要○新城縣孔令詳舉人李際春等稟鹽商私索底錢請提充各項新政經費由 批據詳已悉查曲陽鹽商賣鹽另索底錢業經飭司核明禁止其提充公用一節碍難照准該縣事同一律仰運司查案飭令禁止並諭飭綱總查明該商劉裕源及曲陽鹽商歷年加收底錢作何支用一併稟覆詳辦詳抄發此繳

學台批示○順天府學廩生張麟章稟懇恩賞期補考出貢一案 批稟悉准於九月二十九日午前九鐘來司考試仰即遵照此批

直隸警務處批示○威縣高等警務畢業生陳祖恩稟請仍就原差一案 批據稟已悉該生所請仍就原差一節候行縣查核辦理此批○安州文生張殿傑稟被竊懇派差探訪一案 批稟悉前稟已札行該州訪緝矣該生回籍靜候核辦可也此批○定興縣費家莊村正副貢生王樹涵等稟巡官劣跡一案 批據稟是否屬實候行縣並派員確查具覆核奪該貢生等即回籍候示可也此批

保定府批示○清苑縣陸軍學生霍錦波呈 批該生地畝既經由縣查丈斷令照舊種地如果霍洛閭抗不遵辦何以三次縣控黃令任憑抗斷並不准理此案控情甚微而一面之詞令人詫異本府深恐懦民抱屈情亦最惡刁生多誑告著將縣批錄呈查閱

電報錄要

路透電○柏林訪員報告現英國新造成一種自行旋轉單軌車其車可以行走山路於西十一月十二號在盍爾林韓茂(譯音)地方試演行動靈便機關精巧異常能裝載五十餘人極其平穩毫無危險

又電○西十一月十二號英京倫敦教會特派總理教會員二名一名麻定教師一名毫根斯教師同赴中國路經西伯利亞地方少作勾留即行東下聞此來特為擴充教會數處云

又電○倫敦西十一月十一號電稱奧地利亞國王同王后乘火車至柏林德皇並親王均在車站歡迎

彼得堡電○駐海參崴日本領事官舉行日皇天長節在海參崴之俄國度支部大臣柯哥治夫並俄總督以下文武官員齊來叩賀是日外賓到者甚眾

東京電○東京最確消息伊藤公爵舉行國葬之日日皇及皇后並皇太子均派有親王代送又有來賓英大將克其納氏及各國駐日大使並外交官商董等均恭送如禮

新政紀聞

政治

函催填送簡明職員表○奉天公署吏科發出通傳一件略謂奉督撫憲諭現在各署局處廠場所屬職員應於五日內填送簡明表以便彙訂存查等因合亟刷印表式送請貴口查照填註此項表報二分其向由貴口統轄之各署局處場廠所暨各稅局（各稅局總辦委員等可彙填一表如總辦以下尙任用委員者則此項稅局應另列一表）應請一併取具此項表報二份統於五日內彙齊送公署吏科以便彙呈云

札委會議廳管理員○兩江督署會議廳現已成立除江督張制軍自爲議長各司道爲議員外不可無人管理以資專責故張制軍現特札委成守正爲管理會議廳委員俾專責成而重要政云

改委自治籌辦處人員○浙江全省地方自治籌辦處前由諮議局籌辦處兼理現在諮議局成立籌辦處業奉裁撤所有地方自治事宜自須專設籌辦處接續辦理應以藩司爲督辦勸業道董道爲總理翰林院編修陳紳敬第爲協理法部主事沈紳鈞儒候選知縣梁令建章爲參議除督辦總理以實缺兼差不支薪水外其餘各員應需薪水夫馬照章支給以資辦公已由增中丞分別給札委任矣

學務

直隸學界籌議會章○天津學界諸君日前假河北直隸自治研究總所開會籌議組織實業調查會一切辦法聞首擬立案稟稿及辦事章程並擬先徵我國仿造各國之物品及商標以便研求擴充銷路是日會中同人對於此事熱力極厚

縣教育會第五次大會○浙江寧波府鄞縣教育會於上月十八日在明倫堂開第五次大會是日會員到者三百餘人茲將會場秩序錄下 一宣開會辭 二報告事件 甲會長任期內之報告 乙宣講員之報告 丙收支清冊 丁勸學所總董任內行事之報告 三選舉職員 甲正副會長各一人 乙評議員十二人 丙書

記員二人 丁庶務兼會計員一人 戊勸學所總董二人 己中區勸學員一人 四提議事件 甲事務所遷移問題 乙修改會事 丙高等小學堂之建築及庚戌年之校長 丁省試館房屋 戊事務所常駐員 己航業維持分會認捐之方法 五演說 六閉會

軍政

江南陸軍衛生協會成立○江南陸軍衛生協會於日前假陸軍軍醫局開成立大會到者數百人當由陶君賓南報告本協會簡章中所擬五部辦法應以出品部臨時救濟部赤十字部三者爲尤急遂公決出品部辦法應先分別種類舉其大綱以便就各綱中推奉主任幹事一員專任本項一切組織及籌備方法茲決定出品大綱九項如下 一家庭衛生出品 二學校衛生出品 三社會衛生出品 四市政衛生出品 五藥品出品 六器械出品 七治療出品 八針灸出品 九醫藥書籍出品議決後因時間不及將各項事宜於十七日再開第二次會議云

札委督轅軍務文案○江督張制軍以現值整飭軍事之秋本院雖有軍務文案奈軍書旁午頗有應接不暇之勢特於日前又札委吳毓燴爲軍務文案以資襄贊而重軍政云

財政

籌議調查捐稅情形○直隸諮議局各議員對於本省民貧財匱異常注意僉以 國計民生關係非淺故昨特委議員孫君洪伊約請本埠各行商董假河北自治總所籌議調查一切捐稅苛複及關卡留難之情形以便呈請 督憲大加整頓是日到者數十人均表同情末復由孫君談及印花稅一事關於國會之勢力及組織海軍之利害旁伸曲引詳細剖解聽者肅然至五鐘閉會

裕甯錢局分部辦法○江督張制軍前派奏調道員李哲濬總核南洋財政本爲澈底盤查起見茲以裕甯官錢分局三十七處跨越五省用人理財事事遙制洵非善策爰特改定新章統三十七局設立八部餘皆作爲分莊附隸最近之部管轄化散爲整如有弊混卽惟該部是問並又通飭在事人等一體加保以昭慎重刻已擬章稟請督院核辦矣

整頓錢糧積弊政見○湖北監理官程京卿刻以各屬丁漕上下忙串向有定額惟房書舞弊每註錢糧票上數目其字非草非篆係屬自捏暗記以便任意苛算使人無從查核久已成爲習慣特會商陳制軍由司通飭各屬以後於錢糧票面須註明應完若干折合若干一律正書勿得再作暗記以杜中飽而紓民力

實業

勸業會集議建築情形○江督張制軍以南洋勸業會工程原係上海董事會經手特派陳蘭薰觀察到滬邀同副會長董事等十餘人於日前在董事會集議承包勸業會工程之張裕泰亦在座首先提議完工日期陳觀察言督憲之意謂會期應否展限以工程能否縮短期限爲斷旋據張裕泰面稱各館院如農業院工業院教育館美術館機械館通運館水產館武備館衛生館公議廳辦事處東方叅考館西方叅考館以及各房舍之裏面準於今年臘月內一律完工如年底不能完工自應罰扣原價其各館院之表面粉飾則須於明年二月內一律完竣聞張制軍與董事會之意亦主張不展期云

酌定勸業員薪水○四川勸業道周觀察因勸業養成員已於月前畢業即將川省各廳州縣勸業分所暫行章程詳請立案所有勸業員之薪水俱就各州縣農工商礦郵傳事務之繁簡分爲一二三四等一等各州縣勸業員歲給薪水銀四百八十兩公費四百兩二等歲給薪水銀三百六十兩公費三百兩三等歲給薪水銀三百四十兩公費二百兩四等歲給薪水銀一百二十兩公費一百兩現奉督院核准已札飭一體遵照矣

商務

咨查商運出口米糧○農工商部咨江督蘇撫文云據商人盧石卿稟稱擬設鴻興股份有限公司集資十萬元由江蘇之鎮江安徽之蕪湖販運白米雜糧從海輪報關先到天津屯紮再由火車運至京師以便民間銷售等情查販運米糧有關民食亟應體察各該地方情形統籌辦法免滋流弊相應抄錄原稟咨行貴撫查辦可也

籌議擴充宜昌商場○湖北宜昌府爲川楚往來之門戶水陸交通均便雖已通商然商務尙不甚發達將來輪船行駛渝宜川漢鐵路告成後勢必繁盛刻下鄂督陳制軍以川漢路宜萬一段已經開工重慶又有人組織輪船公司購就蜀通各輪往來宜渝因擬籌款將該埠自闢商場力圖擴充藉爭先著聞已備具議案發交諮議局核議並札飭宜昌府桂太守相度情勢測繪詳圖貼說具報

第七條 審判檢察廳實缺各員如有歷俸三年諳悉部務者高等審判廳推事高等檢察廳檢察官地方審判廳推事擬准以各司郎中請升地方檢察廳檢察官擬准以各司員外郎請升初級審判廳推事初級檢察廳檢察官擬准以各司主事請升地方審判廳所長擬准以典獄司主事請升惟應出具切實考語歸入酌補班奏明辦理

第八條 總檢察廳檢察官地方檢察廳檢察長秩正五品高等審判廳推事高等檢察廳檢察官地方審判廳推事秩從五品地方檢察廳檢察官秩正六品擬准各按俸次照郎中主事例分別以知府直隸州知州截取保送至初級推事檢察官秩從六品實係歷俸三年才堪外任者亦准照主事例以直隸州知州截取至 京察一項屆時由臣部會同吏部辦理

第九條 地方看守所所長所官事繁責重果係管理勞績卓著者由廳丞出具切實考語申部除照章升轉外所長擬准照主事例以直隸州知州截取所官以所長升用以示獎勵

第十條 各廳典簿在職三年勤慎盡職者由廳丞出具切實考語准其以臣部各司七品小京官轉補或以初級推事檢察官請升至各廳主簿三年俸滿後准其以典簿請升

第十一條 各廳錄事補缺滿三年後當差得力者由廳丞切實考驗從九品錄事准以正九品錄事請升正九品錄事准以臣部八品錄事請升其才具可用者准由廳丞出具切實考語申部以各廳主簿請升

第十二條 以上各條均作為暫行章程如有未盡事宜由臣部隨時奏請規定俟法官考試任用章程進級章程實行後即行分別停止

英國賽會章程

一定日期上開之會現擬於本年五月初開門以五個月為限開會日期或久或暫悉由本會獨斷開會定有白期當於半月以前知照入會陳賽物件之人

一定入會陳賽物件者之經費凡來陳賽物件者其所需裝運等費統歸陳賽物件者自行籌給惟其所用之匣件架子等項須遵照會中所定圖樣請示允准辦理開會之時物件如何裝運到場如何佈置陳設以及散會之日

物件如何收拾搬運他往均須陳設物件者自行料理或派人代理如欲由會中開拆可與會中書記商辦如陳賽物件屆時不到則其物件應如何辦理之處統由會中核辦所需費用陳賽物件者給付

一定請撥地段呈子格式凡會場所有地段須按下開呈子格式呈請撥給地段 具呈某 住居某處請按照會場圖樣某號某所房屋內撥給地段寬各若干尺茲將陳列之貨開列如下 計開 此處務將各貨詳細開明

凡未經開明者不得陳列 以上所請地段如蒙撥給具呈允給租銀如下先付租價一半餘於開會日清付又允明此格式上所載之會中各章程一一遵行並於開會日將所開陳賽物件一律預備齊全無誤

年 月 日 具呈人姓名及花押

一會場中公用之電燈不計外其每燈一盞每季價銀三十五先燈與通電之線俱包括在內價須先付請裝電燈一節亦須按照一定格式呈請該項格式可向會中領取

一凡請撥給地段者須函請會事總理如有地段可撥當由會事書記員知照呈請撥地之人至會場房屋會中總以按照所定圖樣辦理然佈置一切以及分給地段之多少若有須行更改之處會中可以有權辦理

一會中人可以禁止陳設某項物件不必申言所以不准之故

一送會陳設之貨務須送貨者之姓名住址一一寫明會場名字亦須繕寫清楚


一各處鋪就之地板非與會中人商允不得更改移動

一陳設之物不得有碍電光或各處點綴或有碍他人之陳設所裝陳設物件之箱及該物件等至高不得過於十英尺櫃台亦不得過三英尺至設各項特別物品處所其高低尺寸則不可以此論惟須先將圖樣寄交會事書記以便請領准單如式蓋造

一陳設物件之人非與會中書記官商明不得懸掛旗幟等件或各項告白所懸招牌止准載陳設物件之姓氏住址一切均須請示會中允准而後可

一所用執役人等如有行止可憎可厭者會中人可以揮之出場不准進門

一撥給之地段止准原來呈請之人租用不轉租他人違則即將撥給之地段收回毋須給與賠償



山東濟南府黑虎泉圖

靈丹消息轉告同胞

旅滬著名西商一患乾溼癬癩一患風濕骨痛皆爲韋廉士大醫生紅色補丸所治愈

旅居上海之西商康賽夫司君因已身曾賴韋廉士大醫生紅色補丸所治愈故勸其弟亦試服之竊以二十年來天下各處爭購韋廉士大醫生紅色補丸如是之衆者大都皆賴服是丸而得痊愈者轉薦之力也蓋人既因已身親嘗是丸而獲實益所以深感獲益之恩甚願轉告抱病諸友俾可共沾其益耳康賽夫司君者寓於上海愛而近路第七號嘗承其來函云○一千九百零七年時余全體皮膚炸裂先時身體不爽胃口不開毫無精力後則皮膚



旅滬西商 起癩膿癬髮乾結成塊奇癢難堪自知爲瘡癩之症也上海著名醫士命我調敷油膏余依言詳敷毫不見效一日由郵局寄來小書一本康賽夫司 余閱之始知韋廉士大醫生紅色補丸能醫治由血不潔所患之各症君爲韋廉士大醫生 君即購而試服數瓶之後便覺漸愈用是接連服之直至皮膚瘡癩全消而後已今者已逾兩載絕無復發且身體更形康健足證余疾實爲韋廉士大醫生紅色補丸所除絕矣余既愈之後即勸余弟亦試服之因其背患風溼已歷多年發時勢甚劇烈每逢潮溼天氣其痛更甚所以屢臥床榻病莫能興自服韋廉士大醫生紅色補丸後即覺獲益甚多迄今已歷八月未嘗見其復發也韋廉士大醫生紅色補丸其功力丸愈

全達血於中不第能使血潔淨且能使血有力故可醫治乾溼癬癩以及一切皮膚諸症又因其能除血中致風溼之酸毒所以名傳普世爲醫治風溼骨痛之奇方也此外曾經醫治 胃弱不化 肝經不和 背骨疼痛 山林瘴氣 腎骹痠痛 左癱右瘓 跳舞瘋病 腳氣衝心 以及少壯婦女所患各病莫不奏效如神也 韋廉士大醫生紅色補丸中國各處商店凡經售西藥之處均有出售或直向上海九江路B字第八號 韋廉士醫生藥局中國總發行處購買亦可 價銀每六瓶大洋八元每一瓶大洋一元五角遠近郵費一律不取

上海九江路B字第八號韋廉士醫生藥局啟

商務印書館出版各書上海總發行所 分館 發售

欽定大清會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖畫函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版 陽湖孟森校訂無錫蔡文森侯官王我臧輯譯 是書自日本開國會始至今日止凡二十五期 其初美無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前三册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

新 廣 告 廣 司 公 限 有 灰 洋



啓者本公司係承受唐山洋灰公司老廠另購外洋最新式機器旋密等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家柏林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等倘有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在天津奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也

德律風一千三百零九號

得利洋行

大小皮包法國洋號又新到轉盤換調話匣八音盒價值格外從廉仕宦官商九願者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶
 鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啓

瑞林祥元記

本號開設北京前門外鮮魚口天津估依街中間路北山東濟南府院西路北自置綢
 緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售
 線貨織絨袍料衣包被套口袋線襪毛毯等貨均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
 磁銅料器珠藍 奇巧美術玩器 學界文房用品 旋行携帶等件 精工變身物料
 定織各色蓆氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

八月十五日至十月初二日代收甘肅賑捐第五期報告清單

徐偉記三十元 趙幼記六元 李希記五十元 張岱記五十元 郭芸記二元 張定安一元 孫鼎吉一元
 張仲良一元 劉文翰二元 耿桂馨二元 王井處五元 劉兆豐一元 孫繼伯一元 莫介堂一元 孫季
 維一元 賈書農一元 江夢熊一元 方怡臣二元 鄭英二元 胡育記一元 劉子珍一元 王蔭三二元
 啓新洋灰有限公司工廠員司等二十五元五角(以上十七號孫多森代募) 楊積堂五十元 吳述三二十元
 無名氏二十一元 江夏堂十元 薛焯十元 高崑山一元 章拜言一元 劉晴初一元 黃占麟一元
 劉定邦一元 程玉珊一元 薛楚湘一元 陶延年一元 裴毓宰 謝鴻恩一元 陳恕記五十元 徐志芸
 九元 歐陽墨池九元 陳堯臣一元 吳明齋四元 鄭高峰二元 松樵二元 商人趙二元 潘彬八元
 穆庵四元 浩然五元 嘯秋 守記二十元 以上二十號孫多森代募) 天津銀號三十元 甄祚昌五元
 黃益臣三元 李春圃二元 張宗卿二元 葛仲庵二元 郭采五三元 姬承齋二元 張偉堂二元 王捷
 五二元 蔡俊甫二元(以上十一號孫多森代募) 天津銀號三十元 徐樹衡五元 龐鏡秋五元 白紫珊
 二元 楊壽民二元 朱森階二元 張老太太八元 張星橋二元 沈湄深五元 吳鳳橋五元 旌汪一元
 六角 張壽熙二元(以上十二號孫多森代募) 許獻廷四元 王松齋二元 邵靜波二元 吳士霖一元
 江以和一元 孫孟敏二元 孫雲軒二元 顧月亭一元 王瑞南一元 畢培綱一元 溫孝先 徐邵生
 邵桐軒三元 孫學孟 杜靜堂 邵昌齡 高永德 邵風池一元五角 盧芷香二元 許介甫 權雪川四
 元 趙樹滋 包玉輝二元 葉蘭亭二元 劉惠泉二元 劉瑞文一元 王承珍五角 司萬昌 高裕 高甲
 第 趙文甲 王居寶 勝兆珍 劉兆銘 藍樹銘 傅人祺四元 楊俊卿 焦化周 邵鳳洲 趙少臣
 梅少泉 陳芳桂一元五角(以上十二號孫多森代募) 汪廷庚八元 劉熾銀四兩 常凌漢銀四兩 吳寶常
 銀五兩 項壽金銀二兩 王潼植銀二兩 馬慶棠銀四兩 秦景華銀四兩 劉兆霖銀四兩 鄭其琛銀四
 兩 蘆世楷銀四兩 楊琛銀四兩 曹茂檀銀四兩 莫鈞銀四兩 張榮凝銀四兩 李福銘銀四兩 邱元
 文銀四兩 汪晏清銀三兩 王治安銀四兩 李嘉瑞銀二兩 潘錫琮銀四兩 劉乃煜二元 胡聯恩二元
 張拱辰二元 王養年二元 王備清二元 王廷瑞二元 王季彥二元(第二百六號代募)

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元九現在老龍頭辛莊均設立分廠儲有此煤以備 光顧就近相購者撻便若弗自取請賞一音本公司自備有妥實車脚代能送去其脚力品之路途遠近現議較自僱必格外公道其各種焦炭末煤價亦從廉恐未週知特報宣聞 電話一千二百九十三號 河東糧店街廣昌公司謹白

招生廣告

爲招考事照得永定河奏設河工研究所所有頭班學員現已將屆一年畢業之期亟應續招二班官費生三十名自費生十名人所肄業官費以本河候補人員爲合格自費則各河候補人員均可入習茲限定報名自九月十五日起至十月初五日截止除牌示外合行登報俾衆週知如有願入學者速來本署報名毋得觀望自誤特告

直隸高等工業學堂招生廣告

本堂分高等科及中學科得有中學畢業或修業及高等小學畢業文憑者請自十月初一起至十一月二十九日止來河北黃緯路本堂取閱詳章報名候考試可也

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

李茂林新接各報廣告

閱報諸君賜顧者本埠風雨無阻外埠原班回件空函概不奉覆所售三報列後天津代派北洋北報官法政學報並代售官報局各種書報兼大公報中國萃報醒華日報民興報中國報忠言報實報時報聞報中國萃報醒華日報民興報中國報忠言報實報時報政治官報北京日報順天時報醒華日報華制存效京話實報京都日報東三省日報新銘畫報淺說日日新聞畫報申報井上海時報東三省日報中外日報新聞報神州日報圖畫日報民呼日報及東方雜誌國粹學報外交報國粹叢編以上之報均一代理售（電話三百八十二號）

天津鄉祠南北洋官報代派處李茂林啓

本局告白刊例

登一日者每字取洋五釐 三日四釐 七日三釐 十五日三釐
 一月二釐 半年二釐 長年一釐 五釐
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

直隸高等學堂廣告

近奉學部行知本堂上年正科一二類畢業學生缺少第六學期考試分數以年限既合准照本省優級師範學堂缺短學期辦法補行考試由提學司照會到堂本堂當以各生等畢業後或升入大學或別謀生計勢難即日調考已咨請提學司俟年假期內補試現由學司擇定試期於宣統二年正月初八日起限四日內在天津學務公所分門考試誠恐諸生就學就事散處四方未及周知特此登報佈聞諸生務於初八日以前齊集天津親赴學務公所報到以便備卷補考幸勿遲誤